

光緒三十年十月初八日

南洋官報

第一百三十七册

南洋官報 第七册 第一百三十

目錄

聖訓

諭旨

督撫院轅門抄

箸錄文字

奏議錄要

南洋公牘

時政紀要

各省新聞

徐氏算草初刻

分數學代數幾何三角解析幾何微積分六門每門數十題共三百餘題

公式集成

亦分六門每門公式皆取便於參攷每公式各繫原理以為發明

大代數講義錄

譯日本上野清原著

右三書均已脫稿行將付梓海內諸君幸勿復篋

湘鄉葛道殷謹白

三江師範學堂譯書廣告

物理學計算法

日本近藤清次郎著

六合吳榮萃譯

物理化學計算問題解法

日本伴德政著


六合吳榮萃譯補

以上二種現已譯出特登報聲明免致他處複譯

本報兩日出一册每册大洋五分

大清郵政示 第一號

大清郵政總辦爲通行曉諭事照得前奉
總郵政司赫憲劄行以郵政遇有創
設增改之舉務卽隨時曉示衆知等語
茲因現行之寄費清單至光緒三十年
七月二十二日註銷作廢另有新單任
人取閱不取分文仰卽前赴就近郵局
領取以便至日遵辦無誤特諭



諭十貝勒書曰我

皇考太祖神靈天縱撫服諸國以貽後人爾諸弟姪推戴朕躬奉我

皇考太祖鴻緒嗣登君位六年於茲未聞爾等一言規朕之過豈以朕爲

不可與言者乎朕思爾等未嘗有竭忠盡言以致擯棄者是朕未嘗不

樂聞已過也今聞國人皆有怨言此豈無所闕失而然所以然者總因

審理刑獄以致多怨耳或有乖國法審斷不公與抑朕躬耽於佚樂與

黷於財貨與朕子然獨處不自知其非爾等旁觀者明於上下諸人之

過必皆見之知而不言以期爲治難矣此後凡有所見卽宜直言朕與
諸貝勒之過愆以及百姓之疾苦各據所知一一指陳無有所懼而默
默也爾諸貝勒有宜公言於朝者會議以聞至國家法紀臣民遵守務
期至當有宜更改者作何更改卽各以所見敷奏焉

十月初四日奉

上諭成都將軍著綽哈布調補荆州將軍著清銳補授欽此 同日奉

上諭兵部尚書著長庚補授欽此 同日奉

上諭都察院左都御史著溥頤補授未到任以前著溥良兼署欽此 同日奉

上諭現在天氣漸寒所有京師當差之八旗綠步各營官兵加恩賞給半月錢糧以示體恤欽此 同日奉

上諭現在天氣漸寒所有食餉之閑散宗室覺羅人等均著加恩賞給一月錢糧其餘於恩賞錢糧外有加賞半月錢糧者著照例賞給以示體恤欽此

十月初五日奉

上諭裕德著授爲體仁閣大學士欽此 同日奉

上諭盛京戶部侍郎著廷杰兼署欽此 同日奉

上諭署戶部尚書趙爾巽兵部尚書長庚刑部尚書葛寶華外務部右侍郎伍廷芳刑部

左侍郎崇勳加恩均著在紫禁城內騎馬欽此 同日奉

上諭內務府大臣戶部右侍郎增崇加恩著在紫禁城內騎馬欽此

督院轅門抄 初五日 副將王明望 都司曹恆達 湖北工程營候選鹽大使雷炳焜以上

均見 營務處朱謝委兼統領護軍正四旗 洋務局徐謝委兼高等學堂駐堂總辦 江西

督銷局夏時濟 候補道方臻喜由蘇回均到 許炳榛稟知奉前督憲魏委赴東洋差遣

洋務局幫辦繙譯縣丞鄧文瑗銷隨赴廈門審案差 知縣李瑞懋稟知由海門赴蘇州折回
甯 知府黃霽稟知由漢滬稽查江匪回 同知張書濟稟知由清江來 知縣周瑞麟稟辭
赴揚州公幹 何毓駿稟知由本日起察看報考學生 杜光橋奉示寫履歷 保甲局龔
江甯府羅 兩縣趙 梁均稟知開辦冬防 三大營李 吳 李均稟知開會哨局 帶護
軍前旗兼隨轅差遣湖北縣丞莊謬見謝委 初六日 德美英三領事蓋薩特 葛威佈
孫德雅均會 日本駐甯商務副辦池部政次 金陵關稅務司歐理斐 駐甯美領事署繙
譯官曹福根 繙譯溫秉文 廖欽元 黃琮 高等學堂洋務局徐謝委送陸軍實業學生
赴日本 甯滬鐵路潘 前福建臬台楊文鼎 上海機器局方碩輔辭赴灣汜以上均見
世職金沛霖 陳譚炳均奉示驗看 學務處司道稟知今日續考前赴東洋習速成師範科
學生 蕪湖米釐局張錫壽到 湖口船廠陳元祥辭 候補道厲玉麒稟謝奉札分蘇差委
淞滬釐局候補道陳兆璜 四岸催運候補道歐陽述均稟到 江西知縣吳尹昌到 巡
檢鄭守爲叩謝給予酌委署缺一次 典史方弼 城右外委許國祥均稟謝奉委學憲文武
巡捕差辭 水師學堂黎 師範學堂楊 陸師學堂羅 將備學堂陶均謝勞

督轅牌示 十月初十日

皇太后七旬萬壽是日五鼓應穿朝服齊集

萬壽宮慶賀其自初一起至三十日止俱穿蟒袍補褂掛朝珠

蘇撫轅門抄 九月二十六日 候補道劉體乾謝委營務處叅謀 葉兆綱辭回甯 知府胡

玉瀛辭回下游釐局 通判張炳文由甯回 署鎮江府經歷葉葆齡 震澤縣典史陸夔均

謝委 道庫孫彭齡齊門外 府經歷江煥實婁門外 縣丞劉于淦東路 巡檢胡堃北路

均奉委編查保甲差 委署婁縣主簿郭啟誠稟辭赴任

調委 道員孫吉壽列門夕 月系恩之九月廿四日夕 縣之署 均奉委編查保甲差 委署婁縣主簿郭啟誠稟辭赴任

前新疆巡撫陶中丞新疆南山雜議一（意欲於羅布淖之南山有所施設更張或疑爲多事簡言之不明故長言之爲雜議七篇）

此篇舊刊秦中官報江南此報不多重刊之以爲言新疆地學者之一助後跋亦其原文并增焉

漢書西域傳其南山東出金城與漢南山屬焉又云自陽關出西域傍南山西行爲南道蓋敦煌以西于闐以東古稱南山自漢迄唐赴西域者多取道於此所歷有樓蘭沮末諸國隋設鄯善沮末二郡貞觀以後遂無人烟一辯機大唐西域記元奘自印度還經沮末城郭巍然人烟斷絕一樓蘭故跡在今羅布淖爾迤南卡克里克等處一漢書樓蘭治并泥城更名鄯善屯田伊循隋書鄯善郡卽古樓蘭城有蒲昌海領顯武濟遠二縣新唐地志陽關至蒲昌海南千里又西經七屯城漢伊循城也又西至石城卽漢樓蘭在蒲昌海南三百里水經注沮末水東注鹽澤澤在樓蘭國北并泥城核其形勢在今卡克里克左右無疑一沮末則今于闐縣東千餘里之卡牆也一漢書鄯善西通沮末七百二十里新唐書西域康國傳于闐東至折摩訶那國古沮末也與今卡牆形勢相合卡牆又名策爾滿策爾滿之音與沮末折摩均相似乾隆時纂修西域圖志諸官謂沮末在敦煌西南之噶斯池則與水經注所言沮末水東北經沮末國又東經樓蘭之文不合一樓蘭傳所載

于闐張騫傳其山多玉石天子名河所出山曰崑崙今俗呼于闐山爲崑崙者亦有所本
名勒謝爾烏蘭達布遜者往往假田獵爲名潛來居之一見前候補府張啓字圖記一近
年經營拉達克既爭西藏之界復爭我葉城南境之卡拉胡魯木達坂一卽洪圖之喀喇
闊魯穆昔有英人被戕於此英人責言有司不察自謂喀喇闊魯穆非我地不知其卽卡
拉胡魯木也今秋都中來信此處又將齟齬矣一機之伏也久謀之蓄也深矣凡我南山
北麓沃衍之土與英國之屬地僅隔一山萬一軼而北出則新疆中央腹心之地反屬他
人誠不能不深長思也

棄貨於地既虞召敵南山金礦不能不開小舉則利微大舉則帑絀獅子搏兔亦資全力
創始圖功洵未易言然中國之患不在無金而在無人往者吉林之東海濱棄爲榛莽何
以俄人得之不十年而成重鎮外蒙古之阿爾泰山棄諸沙漠何以俄人割其半卽得礦
產而成利藪今新疆之南山誘之道遠勞費四字棄之可也只恐日後他人代爲闢治竟
獲厚利如崑崙金礦攷云云則封疆之臣不且重負 國家乎况 諭旨旣云綢繆未
雨宜在機先 朝廷之意杜窺伺重於濬利源綢之繆之時不可失 未完

奏議錄要

豫撫陳奏請將許州州判移駐繁城鎮以資治理摺

奏爲擬請移駐州判以資治理恭摺仰祈 聖鑒事竊照豫省許州所轄之繁城鎮地方濱臨潁河界

連數縣舟車輻輳水陸交衝素爲商賈薈萃之區五方雜處防範宜嚴近日鐵路開通毗連鎮境保護尤關緊要該處距州城三十餘里鞭長莫及照料難周查有該州州判向駐同城事務無多若將該州判移駐繁城鎮俾得就近稽查彈壓實於地方鐵路均有裨益等情據許州直隸州知州潤芳稟由布政使瑞良按察使覺羅鍾培會詳請奏前來臣維設官分職要在因時制宜該司等所請係爲慎重地方起見似應量爲移置將許州州判移駐該州繁城鎮以資佐理如蒙 俞允該州判廉俸役食一切均仍其舊無庸另議至應建衙署現在籌款維艱卽令暫賃民房棲止所有擬請移駐州判緣由除咨部查照外理合恭摺具陳伏乞 皇太后 皇上聖鑒訓示謹 奏奉 硃批吏部議奏欽此

綏遠將軍貽片 再查綏遠城改練常備軍建設武備學堂前經調任將軍信恪遵 旨酌擬辦

法因常款難籌 奏明開墾八旗牧廠荒地卽以所入押荒及租項作爲常年經費俾圖久遠開辦之始一切經費暫由旗庫存儲兵丁各本身照例坐扣加添馬價銀一萬一千餘兩內動支以濟要需查此項銀兩奴才到任以前業經用罄庫儲要款不得不徐圖歸補綏城瘠苦別無款項可籌奴才再四思維因與八旗協領等商同酌擬飭令二十佐領公同領地四百頃每頃定繳荒價銀二十兩共銀八千兩分作八年歸補馬價其不敷三千餘兩應俟牧廠押荒暢旺再行以之彌補如此變通辦理不獨馬價借款有著且官兵領地並可爲佃戶樹之風聲近日認墾漸多已不似從前觀望惟該各佐異常困苦公領之地半多磽薄將來能否一律成熟尙不可知獲利未必有期先已公攤荒價若再責其按年輸租誠恐因公受累臣係爲籌補庫款起見與留地屯墾辦法情事無殊合無仰懇 天恩俯念旗兵貧困好義急公

受累臣係爲籌補庫款起見與留地屯墾辦法情事無殊合無仰懇
天恩俯念旗兵貧困好義急公

覽欽此
恩免升科以資經久除咨部外理合附片具陳伏乞
聖鑒訓示謹
奏奉
硃批

南洋公牘

署江西撫州府徐太守嘉禾上中學堂擬訂課程規則及開學日期稟並批

敬稟者竊照卑郡中學堂前經卑前府何守奉文創辦當將正兼各齋章程並聘請教習及派定文案董
事各員紳與考取學生姓名具報在案卑府到任以後率仍其舊嗣因中學教習兵部主事黃維翰欲赴
京供職算學教習南昌縣生員許建基有老親在省不欲遠遊兼齋教習前山西黎城縣知縣馬汝良因
兼辦農工商局事務難以兼顧薦賢自代各自告辭當經卑府再四挽留而各教習堅辭愈力察其詞意
委係真情未便相強隨經訪有金谿縣舉人魏斯炁由上海遊學言旋中學極有根柢尤精西學即訂爲
卑郡中學堂算學教習臨川縣舉人劉家燾品正學優訂爲兼齋教習並擬聘臨川縣舉人朱光頴充當
中學教習稟報撫憲學憲在案旋因魏劉二教習請咨會試朱教習另就臨川縣屬小學堂之聘暫由卑
府親自督課現在魏劉二教習先後回籍隨經備關聘請到堂屢次晤商均以中學固貴貫通西學亦宜
涉獵邇來學堂風氣漸開諸生咸知振作非兼習洋文講求算學不足以宏教育爰特籌款添購書籍加
脩改請魏教習斯炁兼授中西學並教體操劉教習家燾仍爲兼齋教習並充副監督另聘教習之弟安
徵候補縣丞劉家旸充當算學教習遵照
欽定章程擬訂課程規則已於七月初四日開學所有在
堂新舊及兼齋附課學生無不樂於率從除隨時考察認真經理並俟有卒業合格學生再行申送外合
將擬訂中學堂課程規則附列添購書目開具教習員紳並出學新收各學生姓名清摺檢同新立學堂

冊簿式三本稟呈俯賜查核批示立案除稟撫憲學憲外肅此具稟
批 前因查核各學堂課程規則多未按照 欽定章程辦理業已通飭各府廳州縣查照定章妥議

改良茲據稟呈清摺所訂課程規則亦多未合法仰江西派辦政事處即飭遵照現檄切實籌辦不得
自爲風氣致墮成規切切仍候撫部院學院批示繳摺冊式存

署江西安義縣吳令呈報小學堂學生現已招考足額續定章程稟

敬稟者竊查卑縣小學堂遵照憲飭仍就書院改立以兩學教官爲中教習延湖北貢生余駿熙爲算學
教習業經稟報憲鑒在案惟前次創辦之始卑前縣又令限於經費一切規模悉從簡略而所取學生多
係不堪造就究屬有名無實款爲虛糜然既立學堂非寬籌經費必不能臻妥善非嚴定章程必不能收
實效非認真考選更無以取真才卑職履任以來體察情形詳加籌畫業經續增經費妥議章程招考甄
別共取學生二十名俱係文理明通讀畢四書五經者復於教習之外添列監督內外司事名目邀請品
學兼優鄉望素著之紳士龔振聲周承環高步雲喻立品等分任其職課程之事教習主之收支數目及
記錄功過等事則由內外司事分任之全學教育一切事宜則由監督主持皆授考成於卑職而醫術一
門爲人生性命所關亦當今之要圖日本新維之初首於美國研究醫理漸至人盡知之學風大昌且查
欽定章程原有附設醫學之條凡有在堂各生似須肄業及之現擇本邑精於醫理之徐架珊充當
醫學教習令各生攻餘之暇兼習此事舉辦數月該教習等均各實心任職精勤不懈而堂內諸生亦各
有志向學奮力圖功於學業頗有進境除由卑職隨時稽察務使事歸實踐款不虛糜並將籌款情形暨
開支數目另文稟報外合將續定章程並學生姓名開摺稟請俯賜查核再堂內應需經史輿圖及中西
時務諸書前經飭人赴省購置現已運到第東西曆則由本堂購置

撥於利便派人赴省購置現已運到第東西曆則由本堂購置

時務諸書前經飭人赴省擇要購買現已運到第東西學則由吳
撥放利便派人赴省購書現已運到第東西學則由吳

署安義縣吳令復上小學堂籌款情形稟

敬稟者竊卑縣小學堂遵照憲飭仍就書院改立業經聘定教習及續增興學章程先後分別開摺稟報
憲鑒在案惟卑前縣文令創辦之始未經籌有的款以致規模簡略卑職履任以來迭次集紳會議意在
寬籌經費始克有濟無如地瘠民貧籌費維艱即有樂輸之家亦恐緩不濟急然學堂既已開辦需用甚
迫未便懸待籌費因之再四相商議以本地向有之公款暫爲挪撥聊濟然眉茲經卑職遵照 欽定
章程就卑前縣文令原議條規並書院舊章互相參考因陋就簡酌爲變通續定用款章程二十六條諸
從節省以期款不虛糜事歸實踐計長年經費約需一千三百餘串緣查書院既已歸併每年可收店租
錢三百餘串又賓興毓秀兩款存典息錢及省垣試館租金項下共可提用錢八百串尙有不敷之二百
串無款可籌嗣據該紳等以卑縣積穀每遇春借秋還應繳息穀議有定章除支用外餘穀變價存典生
息以備修倉等用而倉厥偶有破漏隨時修整完固所費無多是以存款充裕茲擬於此款息錢項下每
年借提錢二百串以補學堂用款之不足究屬以公濟公應無不可况所挪之款係耗穀變價存息並不
動支正耗穀石將來另籌有款仍應歸還不過移緩就急而免臨時拮据且無礙於備荒之需實有益於
興學之舉又章程內所未議及者每月星期各學生不願放假惟恐荒功卽由卑職出題應課捐廉獎給
錢文以資鼓勵不在堂內開支俾節糜費現在開辦已及數月漸有成效合將籌款情形及續定用款章
程開摺稟乞俯賜查核實爲公便 (章程續錄)

時政紀要

江西牙釐局重定邊要統稅章程詳文

竊照本總局前於邊界各府改設統稅分局分口並於陸路添設子口查驗所原爲預籌將來銷場稅辦

法所有徵稅數目按照舊定釐金及新定統捐從寬參酌辦理凡從前需索留難諸弊一切掃除淨盡且於居民日用零星之物及寄囤尙未銷售之貨概不徵稅所以體恤商民者似不可謂不周猶恐未盡周知當經本總局將辦理章程暨變通條目迭次通飭縣委各員大張曉諭並續撰簡明告示發貼局口俾共見聞本總局於籌辦此事實已不遺餘力乃自開辦以來人心未盡帖服商民猶有煩言本總局明察暗訪推原其故或由邊縣商賈不明統稅章程心懷疑懼或由奸商劣販習慣繞越偷漏際此添設局口稽查嚴密伎倆莫施怨咨易起又或革差蠹役及城鄉無業棍徒冒充巡丁出入局口左右遇有經過賈販索費攬物該印委疏於查察懲治稍緩受累已多又或車夫肩役攬運客貨祇收力資未領稅錢糾同夥衆闖越更恐商東運貨嗣後改陸爲水失此生計徬徨無策散布謠言種種因由皆易滋事若不將統稅章程重加釐訂曲示體恤何以安衆志而息浮言現經本總局悉心考核酌擬章程一十三條以補其偏而救其弊除通飭各府縣局口卡所一體遵照并撰嚴切告示附刊章程統頒曉諭外理合開具清摺詳請察核批示

附章程

- 一 本省土貨出口如已在產地報完統捐或由各卡抽足十分釐金祇須查驗填換護照放行不復徵稅倘完釐未滿十分仍應按數補足以符向章
- 一 邊境就近出產大宗土貨如運銷出口准予減抽半稅以示體恤惟須指明產地確係邊界免致混冒
- 一 外省運貨進口應納之稅均由各口一道完足填給護照粘貼印花以後任行內地不得再抽若經前
- 途各卡查出漏貼印花即將其貨全數充公
- 一 各口本地土產如係鄉民肩車挑載不成捆件之物趕赴墟市零賣者概免抽稅司巡人等不得藉端

本境零星土貨如係居民日用所需者准予免稅但須先由縣委會同各卡酌定其項不抽其項

一各口本地土產如係鄉民肩車挑載不成捆件之物趕赴墟市零賣者概免抽稅司巡人等不得藉端
本境零星土貨如係居民日用所需者准予免稅但須先由縣委會諭各紳酌定某項不抽某項免稅
詳細開摺稟局立案一面榜示該口局門俾得共見共聞免生疑阻

一零星貨物既准免稅若不明定限制轉多窒礙凡各口進出無論客貨土產核其應納全稅錢不滿三
百文半稅錢不滿一百五十文者概不抽稅餘可例推爲數在三百文或一百五十文以上者仍須抽
收此事應由縣選用公正經紀一人在口估計方免爭競惟不許奸商變大爲小改整作散希圖朦混
一運銷內地之貨名色件數斤兩多少以及行銷何鎮何市均於照上填明以便前途局卡核算查驗倘
有中途拆售改運亦准通融但須呈報就近局卡於照上批註明白如添載別貨仍須投卡報完以昭
核實

一本境土貨及鄰省入口之貨確係運赴本省鄰縣某鎮行銷查明地界不逾二卡者亦准從寬減收半
稅此項半稅須於照上註明銷售之處倘逾越指銷之處仍由各卡查驗補抽五分以杜取巧

一城市鄉鎮設有稅局釐卡之處向來大宗貨物歸行經理買賣者其行戶如果殷實可靠情願代客報
稅准卽呈由地方官稟局給發諭單承充以昭鄭重

一凡貨應完稅則係按原定統捐釐金分數抽收並未稍有加增亦無絲毫外費卽護照印花錢串脚力
等項亦係開支公款不取商民分文

一完納統稅無論制錢官票銅元只須十足不准另索補串補水錢文如用銀洋折納應按照該處市價
兌收不得稍有抑勒

一陸路肩役車夫成羣結隊果係挑載大宗貨物自應攔截查驗收稅若或恃衆闖越計圖偷漏卽行起
貨充公倘敢逞兇抗拒立卽由縣會營嚴拿並查傳起運卸載行棧及住宿店家到案科罰查係地痞

播弄責成族保送懲如有劣紳扛幫立即詳革拘究

一各口巡丁出外巡查均須身穿號衣襟掛腰牌如無即係棍徒假冒許該商民等捆送地方官懲辦倘

有真正巡丁在外攘奪貨物嚇索錢洋亦許扭赴縣局革辦惟不得藉端滋鬧自取咎戾

各省新聞

易名補額 兩江學務處前日考選出洋學習速成師範生上元縣附生鄧振寰已取列第二名榜示後

查悉該卷文非己出傳詢該生核對筆迹該生亦自呈云倩人謄寫既已代倩理合撤退以備取第一

名仇塚補送併備案呈報兩江督部堂端核准

續考紀題 兩江學務處續考出洋速成師範生定於本月初六日在學務處考試茲悉是日應考者計

十九人題目照錄如下 首題蒙古籌防議次題自列強定均勢政策凡所競爭皆以亞洲中國為中

心點拒之則慮啟岬端聽之則不堪侵畧處今時局求固吾圉而弭外患其道奚由策

併局誌要 湖北學務處營務處經鄂督憲張宮保各改數科派員研習茲聞又將編書局歸併洋務局

內亦設四科曰鐵路礦務商務編譯等目慎選能員分別委派專辦幫辦現各員已奉札進局視事

招工紀聞 烟台招工至今二十餘日所招甫七八百人之數而招齊之工間尙有竊逃而去者故為數

不多益以合記招工分局所招亦不過千餘人而英公司輪船已在口內駐候多日以未足二千之數

未能載往所以招數寥寥現經辦理保工事宜正副委員羅會同總董梁禮賢副董王鴻年出示曉諭

略云為曉諭事照得英屬南斐加洲和域打士冷縣招募華工前往開採金銀各礦此係駐英張大臣

奏明訂立專約條款並設立華官駐該作工處保護維持所有華人前赴作工者必係自己甘心願

示仰所有願往作工者務須遵照約章並查照合同所載之各款安心作工享其利益是所切望特諭

奏明訂立專約條款並設立華官駐該作工處保護維持所有華人前赴作工者必係自己甘心願

示仰所有願往作工者務須遵照約章並查照合同所載之各款安心作工享其利益是所切望特諭
計開 一招工必須本工人實係願意應招然後親身赴驗後訂立合同其不甚願往者一概不得
強迫以往 一願往作工者每人先給安家洋三十元絲毫不折不扣倘有招工工頭等格外勒扣並
欺陵情事即許該工人扭稟喊控立為懲辦 一招工到所其已驗妥訂立合同待往者一切住處飯
食皆有英公司備辦供給其間有未驗好者即遣返家量其遠近伙助川資費數百文唯由各處來烟
之路費自為措辦 一工人招齊後即由英公司輪船載往公所約二十七日可到所有一路船費食
用皆有英公司自備不費工人分文 一到彼作工以三年為期三年後期滿仍由該公司船妥為送
回本國三年內其有殘廢死亡者亦給資用船送回本國三年既滿有情願再留作工者須另立合同
再展三年然必須本工人情甘願意方可切不可強留 一到彼作工每日至少一人可得一司令約
有五角餘之譜勤能者可得個半司令與兩個司令不等所有一切住屋餐飯等項皆由該公司預備
供給無容工人自費 一工人赴該處時並許攜帶妻子唯子女須十歲以上方可其攜帶之妻子所
有船費飯食一併歸英公司備給不須該工人花費唯到公所其妻子食用須自為料理

工務實業

藥物製合法

阿魏 此藥乃取樹根之汁製成者也該樹原產波斯等處今廣州亦有之其樹最高者則有九尺而樹
身徑約寸半樹上有花而樹下之根徑約三寸其根並能發出大葉每葉長約二尺大約樹徑四年方能
割根取液而製成是物也

形色 色或黃或紅或白彼藥肆所售者新打破則色白少頃則變紅迨後則轉黃黑 氣味 其臭頗烈其味苦辛 功用 服法 止咳化痰 每服宜用五釐至分半每三四點鐘一服若小兒則減半 凡有咳症無論童叟均宜服老者服之尤佳蓋能補腦而化痰也 方劑 一方 阿魏二錢 清水八安士 入乳鉢內漸加清水研勻令其出味每服一二酒杯 阿魏丸方 治婦人便結月經少者服之宜 阿魏一兩二錢 番鹹四錢研末 和勻作丸二百四十粒每服一粒至四粒

咖啡樹 產於南亞非利駕亞喇啤亞印度等國野生者樹高二丈至二丈餘園種者則截去頂枝樹僅高五六尺耳 形色 所結之子每個內有核兩枚核長二三分半圓半平處有罅裂色灰 其核未炒時質甚堅實入藥要炒至棕黑色乃可用炒透質脆搗研亦易 氣味 炒透味略苦嗅之焦香 考覈 此物內函有咖啡精功力尤峻 功用 解酒毒及解吸鴉片煙過度者 西國人以之代茶或和以白糖牛奶晚間飲之但太濃或飲多反致胃不消化不能甯睡

咖啡烟

製法 咖啡炒透研末沸水煎之加入鉛霜過輕二磺酸再加入輕二淡水煎乾俟其結珠即是藥也

形色 白色似針之幼珠 氣味 嗅之無氣息味略苦 溶化 此物雖醃亦不變壞惟水或火酒能

化 服法 每服半釐至二三釐和白糖服 功用 補腦開胃 主治 凡大熱症退熱初愈時服此

甚有功效凡頭痛者每半點鐘服一釐甚效

玉桂 此樹產粵西安南等處取皮入藥色棕黑味辛甜

功用 補斂若入補劑可止痛治氣膨亦有取其味之香以佐別藥氣味也蓋桂皮內函有油及炭匿酸

二物若去此二者即全無功力用藥者宜知也

鏡煤 鏡煤亦為炭質之一種凡燃火出煙以後則燃火之處必有一層黑色膩質是即鏡煤可用為印

二物若去此二者即全無効力用藥者宜知也

鏡煤 鏡煤亦爲炭質之一種凡燃火出煙以後則燃火之處必有一層黑色膩質是即鏡煤可用爲印書之墨緣是質既不易與他質化合亦不易消化故用以爲墨能歷久不淡

骨炭 骨炭亦爲無顆粒之一種由焚獸骨而成如令與酸質相處則不能焚

炭漏 木炭骨炭多孔能吸氣質如置木炭於空氣穢濁之處則其污濁之質爲所吸去而能使其氣變清水如渾濁亦可用木炭清之故是炭爲極有用之物然作是炭漏時其格式須合宜且其中之炭宜時時去舊易新始有用小炭漏有作於自來水管之螺絲釘內者俾水中濁物停滯於其管口而不漏下故其餘之水悉爲清水矣

骨炭漏 具各色之質能經骨炭漏易其原色如糖之一物得從甘蔗時其色甚濃若曬乾取置他處則易爲黑色若將糖之流質先經骨炭則無色

焦則不爛 炭在空氣中或水底不如木之易爛因木中之質易與他質化合炭則不然

成炭之故 炭爲古時草木所成彼時天氣炎熱草木日久漸成腐爛又爲空氣所壓抑遂將其原質分散而成是質觀地球出煤之處當時情形可想而知

煤炭零含雜質 煤炭中除炭質外尙有他質軟煤則所含更多如將煤炭用火加熱能生氣質流質兩類其流質成黑色之質爲亥即西名黑爾太者與他質相合能成無數雜質其氣質爲作煤氣燈之大用且經水又能使水中之穢質消歸烏有此水即能食亞莫尼亞者煤氣燈公司中用此水製得亞莫尼亞流質

金剛鑽筆鉛及各種炭之原質 夫原質一物從事化學者久知之任用何法斷不能使其化爲兩質輕則任用何法化之而仍爲輕也淡則任用何法化之而仍爲淡也惟炭則不然同一原質而其式有三如金剛鑽筆炭及尋常之炭是試將等重之金剛鑽筆鉛及炭焚化而收集其所成炭養二內則三物所成炭養內之炭又相等是三物者豈非一原質哉

炭之公用性 是三物者非徒爲一原質也且其性情亦有相同處無味無臭置於水中難消加熱於少空氣處又不易消惟加大熱始能化耳

同質異形 同此一質而能異其形者尙有水之一質如冰雹雪珠其質皆同其不同之處惟在質點排列各異耳設取木三條其積相等其形則異夫此異形之木卽不得謂之非木炭之異形水之異形亦猶是耳其他質類是者惟養氣與臭養氣亦同其質而異其形

炭之化性 在平常熱度中炭與淡輕養諸質毫不化合若熱度加高則化合甚速而與養氣尤甚其與養氣化合或在焚時或在含養質中食養

養與炭化合 炭與養化合成炭養二氣已數數言之第成此炭養之氣不必全由加熱炭氣養氣而成祇須將炭氣加入石灰水亦得

炭爲減養之質 炭之一質能食養氣前已言之故炭爲減養之質其用甚鉅凡金類礦中所出之金類皆非純質須用炭氣以減少其養氣然後其金類爲純金類如鐵礦中之鐵非純鐵也必有與他質如養氣等者化合欲求其爲純鐵則礦內之養氣必須先行取出始可其取出養氣之法卽用炭與鐵礦內之

蒙學 第一本 制錢一百五十文
 千七百五十五文 江甯府先哲言行錄 一本 制錢八十文
 堂章 第一本 制錢二百文 欽定各學堂應用書 日制錢一百文
 歌訣 第一本 制錢六十文 日游彙編 一本 制錢三百二十文
 書初編 一本 普通學歌括 注二本 論語話解 五本
 通鑑紀事本末 摘要二本 算法次級 三本 江甯府境地形考 一本
 算術 第一本 制錢八十文 算術表合璧 制錢七百五十文
 孝弟忠義圖 二本 日本師範制錢一百文
 小兒語 算學 禮
 先正格言

已譯之書目

地文學教科書 制錢九十文 地質學教科書 制錢一百文
 礦物學教科書 制錢一百八十文 小學理科制錢一百七十文
 小學理科制錢一百七十文 日本
 軍事教育制錢六十文 數學 佩德 二本 制錢四百二十文
 小學萬國地理教科書 制錢五十文
 倫理教科書 制錢二百五十文
 日本
 文 經濟教科書 制錢一百七十文 生理教科書 制錢一百七十文
 小學幾何書法制錢一百文
 化學導源 教科書 制錢二百五十文
 植物學 初
 科書 中等算術教科書 三角 衛生 理科 教授 綱要 新理科書 教科書 用尋常小學算術教科書 化學導源 教科書 制錢二百五十文
 植物學 初
 等代數學 中等代數學 初等平面三角 初等曲線學 測量教科書 平面幾何學 高等代數學 高等平面三角 立體
 三角 立體幾何學 高等曲線學 初等微分學 微分積分學 小學珠算教案

上海四馬路東首辰字十六號一新書局發行各種圖書

世界發明初始家列像 二 五洲人種面貌全圖 二 戎裝柔軟體操圖說 二 世界百傑圖像 二
 二 新奇教育法 五 華英公牘新編 七 歐西學校規制紀畧 四 格物課程 五 法國學制 三
 原師 二 英國第七冊藍皮書 五 普通百科全書 三十 格致地理教科書 四 英德學制比 角
 較 四 生理書 八 交涉要覽類編 二 日本帝國近世史 元 血性男子 三 拿坡崙 四
 角

金陵漢西門官煤礦局新定柴煤價目

門市零售 每洋一元二百八十七觔 一噸以上 每噸五元六角 十噸以上 每噸五元四角 五十噸以上 每噸五元二角
 以後定價漲落應以本局牌示為準

上海鴻寶齋學堂必用新書價目

五大洲政藝叢書 洋七元六角 會文正公全集 洋四元
 元西學叢書 洋二元 御批通鑑輯覽 洋四元
 泰西代名人傳 洋八角 泰西藝學通考 洋一元八角
 篇西代名人傳 洋八角 泰西藝學通考 洋一元八角
 一洲地歌 洋三元 西通序例全錄 洋二元
 論四角 亞洋地理 洋二元 洋通序例全錄 洋二元
 二元八角 洋四角 每册洋五角 洋通序例全錄 洋二元
 天文問答 洋三元 家庭感情教育叢書 洋二元
 代售匯報館各種西書兼備學堂應用教科書
 上海各書局均有代售

上海四馬路東一新書局出版

蒙學鏡 華亭鍾鶴笙徵士天緯著分字義喻言智慧格致 英德華尺 讀仕商團門類俱備 今世
界大事 搜羅中外各國兵數戶口之多寡金磅洋元 英雄之肝膽 志法國拿破崙破敵第三事 強盛由民氣
歐美新談 又名泰西聊齋誌異嬉笑怒罵涉筆成趣足為小說之冠 四角 意大利建國史 世界宗教一覽 均包三
新法製墨 此墨烏黑有彩最宜摺卷不脫不粘取用應手可省研磨且冬夏如常舟車兩便 此不必購現置墨洵美善之
新法製墨 此墨烏黑有彩最宜摺卷不脫不粘取用應手可省研磨且冬夏如常舟車兩便 此不必購現置墨洵美善之
新法製墨 此墨烏黑有彩最宜摺卷不脫不粘取用應手可省研磨且冬夏如常舟車兩便 此不必購現置墨洵美善之